



**UDRUŽENJE GRAĐANA STARE DEVIZNE ŠTEDNJE BiH**  
**RAIFFEISEN BANKA**  
**ž.r. 1610450015910074**

**Sjedište Banja Luka:**  
**I. G. Kovačića 139b**  
**tel/fax 051/380-738**  
**e-mail: nnisic@spinter.net**

**Otvoreno pismo,**

**Visokom predstavniku za Bosnu i Hercegovinu,  
gospodin, Paddy Ashdown**

**Veoma poštovani gospodine Paddy,**

**Možda će Vas ovo pismo iznenaditi, ali ima mnogo razloga da Vam se obratimo na ovaj način.**

**Na tlu demokratije, koja se očekuje u ovoj zemlji, zastupa i naše davno osnovano Udruženje građana stare devizne štednje u BiH, ali ne demokratiju kakvu Vi promovirate jači nad nejačim, a iznad svega štitimo pravo privatne imovine uključujući i deviznu štednju.**

**Hoćemo pravnu državu po evropskim uzorima i socijalnu pravdu. Započeli smo da suzbijamo korupciju i samovolju organa vlasti te očekujemo od visokog predstavnika međunarodne zajednice punu podršku za naše aktivnosti, budući da su to i Vaše aktivnosti.**

**Naša molba, upućena entitetskim i najvišim organima vlasti Bosne i Hercegovine i brojna pisma sa kojima smo se obraćali da bismo se dogovorili o povratku nezakonito otete privatne imovine odnosno deviznih uloga koji su kod ovih banaka uplatili naši članovi i potencijalni članovi, a time i zahtjev nas oko 1,116,000 štediša, je restituisanje novca, koji smo uplatili kod državnih banaka. Po obimu najveći dio štednje bile su devize koje su kod ovih banaka uplatili naši članovi i naši potencijalni članovi. Taj novac je bio novac zarađen teškim radom u zemljama Evrope, oporezovani novac koji smo mi prenijeli u našu domovinu. Nijedna banka nije bila ovlaštena da dirne u ovaj deponovani novac, da ga pozajmljuje niti troši. Ove devize su izčezele. Radi se o količini od otprilike milijardu i pol milijarde evra, ne uključujući kamate za trinaest godina. Kako naši raniji tako i današnji zakoni, prije svega naš Ustav, kreiran po dejtonskom ugovoru, garantovali su pravo na vlasništvo, a time i zaštitu ovog vlasništva. Povreda ovog zakona je kažnjiva.**

**Mora doći do restituisanja pronevjerenog vlasništva.**

Mnogi naši članovi, zahtijevali su od banki, koje su vršile pronevjeru, da vlasništvo (štednju) vrate, bez uspjeha.

Mnogi naši članovi podnijeli su protiv tih banaka žalbu i na najvišoj sudskoj nadležnosti pravno dobili, bez uspjeha.

Stečena prava ne mogu se provesti, nema sudskih izvršilaca koji provode izvršenja nad bankama. Banka čak izbacuje svoje povjeriocyte iz objekta, ako oni govore na osnovu tog prava. Ovo ponašanje banaka je krajnje protivpravno.

Štediša hoće ponovo da imaju svoj novac. Tako kao što je odlučeno da svaki izbjeglica može da se vrati u svoj sopstveni stan, moralo bi da VAM leži na srcu i to da štedišama pomognete da ponovo dođu do svog novca. Vi biste time samo primijenili važeće nacionalno i internacionalno pravo.

Pravni prigovori banaka da one nemaju više novca su vjerovatno tačni. Banke su ga pronevjerile. Upuštanje vlade u to da se bankama preuzmu dugovi i nakon 40 godina otplate sa 1% kamata je avanturistično. Većinski dio štediša tada više neće biti živ.

Mi znamo da je npr. Republika Srpska po bruto socijalnom produktu po glavi stanovništva najsiromašnija zemlja Evrope, a znamo i da je ova Republika po resursima po glavi stanovništva jedna od najbogatijih zemalja Evrope. Veliki dio resursa pripada bankama. One su sebi te resurse prenijele preko akcija ili učešća kod korisnika kredita kao garanciju za kredite, koje su dale od naših štednih uloga. Mi štediša, na tom putu građanskopravnog temeljnog jemstva, imamo pravo na ove resurse i na samu imovinu banaka. Naši članovi su se veoma uznemirili. Željeli bismo da spriječite eskalacije. Kao promovisani poznavalac jugoistočne-evropske istorije poznajete sigurno i naš mentalitet.

Molimo Vas da zaustavite daljnju pljačku imovine koja je upravo stečena našom deviznom štednjom. Već se frustrirajuće može konstatovati da banke u svojim bilansima više ne iskazuju svoje obaveze koje postoje prema našim štedišama. U Vašoj zemlji bi se ova činjenica nazvala savršenim privrednim kriminalom.

Mi štediša, nećemo da nam se vrati uštedeni novac da bi ga bez traga potrošili nego hoćemo da jedan veliki dio toga reinvestiramo u našoj sopstvenoj zemlji u sada neproizvodne industrijske pogone, da bi našoj privredi pomogli da ponovo stane na noge.

Gospodine Visoki predstavniče, ako ste stvarno zabrinuti za budućnost naroda u BiH, umjesto da kritikujete one političke stranke koje se upravo zalažu za pravičnost i zaštitu ljudskih prava trebali biste iskoristiti Vaša ovlaštenja koja su Vam povjerena od međunarodne zajednice, da nametnete Zakon o reviziji porijekla i oduzimanju nezakonito stečene imovine od 1990. godine do danas. Takav jedan predlog podnešen je 2003. godine od SDP BiH u Parlamentarnoj Skupštini BiH, a na naše stalno insistiranje, koji je 14. jula 2004. godine bio

blokirano upravo od onih političkih stranaka koje su i najvećim dijelom za vrijeme i poslije ratnih dešavanja učestvovali u velikoj pljački naroda, a sa ciljem zadržavanja nezakonito stečene imovine.

Gospodine Visoki predstavnice, Vama je poznato da je naše Udruženje dana 09. marta 2004. godine održalo protestni miting upozorenja ispred ambasade Republike Slovenije, Vijeća ministara BiH i na kraju ispred zgrade OHR u Sarajevu. Tom prilikom smo u prijemnoj kancelariji OHR uputili Vama lično pismo, u kome smo Vas zamolili da primite našu delegaciju kako bi Vam podnijeli još mnogo dokaza, sa kojima Vi lično možda niste upoznati, o velikoj pljački humanitarnih pomoći kao i uplaćivanju ratnog poreza prilikom prelaska granice, od strane nas koji smo za vreme ratnih stradanja dovozili takvu pomoć, a živjeli smo tada i radili u zemljama Evrope i svijeta.

I na kraju Vam dostavljamo kopije svih pisama, molbi upućenih svim institucijama BiH, uljučujući i pismo upućeno Vama od 09.marta 2004. godine.

Prilozi:

- nabrojati sve priloge

S poštovanjem,

Banja Luka, 08. august 2004. godine

Udruženje građana stare  
devizne štednje u BiH

Predsjednik  
Svetoazar Nišić

